

## დანართი №3

### ვიდეოჩანაწერის განხორციელების მიზანი, მოცულობა, ხანგრძლივობა, შენახვის ვადა, წვდომის წესები, შენახვის/განადგურების პროცედურა, მონაცემთა სუბიექტის უფლებების დაცვის მექანიზმი

შპს “ეი თი იუ ჯორჯია”, როგორც აეროპორტებში მოქმედი თავისუფალი ვაჭრობის პუნქტის ოპერატორი, კომპანიის კუთვნილ ობიექტებში ახორციელებს ვიდეომონიტორინგს უსაფრთხოების უზრუნველყოფისა და კანონმდებლობით გათვალისწინებული მოთხოვნების შესრულების მიზნით. ვიდეომონიტორინგი ხორციელდება საქართველოს კანონის „პერსონალურ მონაცემთა დაცვის შესახებ“ და სხვა მოქმედი სამართლებრივი აქტების მოთხოვნების დაცვით.

ვიდეომონიტორინგის განხორციელების ძირითადი მიზნებია: საქართველოს მთავრობის # 455 ბრძანებით ნაკისრი სანებართვო პირობის შესრულება და კომპანიის ქონების დაცვა; თანამშრომელთა და მომხმარებელთა უსაფრთხოების უზრუნველყოფა; შესაძლო სამართალდარღვევების, ქურდობის, დაზიანების ან სხვა ინციდენტების პრევენცია და გამოვლენა; თავისუფალი ვაჭრობის პუნქტში განხორციელებული საქმიანობის უსაფრთხოების უზრუნველყოფა; აგრეთვე საჭიროების შემთხვევაში შესაბამისი სახელმწიფო ორგანოებისთვის ინფორმაციის მიწოდება კანონმდებლობით განსაზღვრულ შემთხვევებში.

ვიდეომონიტორინგი ხორციელდება კომპანიის მიერ ოპერირებად თავისუფალი ვაჭრობის პუნქტებში და საბაჟო საწყობებში, რომლებიც განთავსებულია:

- თბილისის შოთა რუსთაველის სახელობის საერთაშორისო აეროპორტში;
- ბათუმის ალექსანდრე ქართველის სახელობის საერთაშორისო აეროპორტში;
- ქუთაისის დავით აღმაშენებლის სახელობის საერთაშორისო აეროპორტში.

ვიდეოკამერები განთავსებულია სავაჭრო სივრცეებში, სალაროებთან, შესასვლელ-გასასვლელებთან, სასაწყობე და მომსახურების ზონებში.<sup>1</sup>

<sup>1</sup> ვიდეომონიტორინგი არ ხორციელდება ისეთ ადგილებში, სადაც პირის პირადი ცხოვრების დაცვა განსაკუთრებულ მნიშვნელობას წარმოადგენს, მათ შორის სველი წერტილებში, გამოსაცვლელ ოთახებში და სხვა მსგავს სივრცეებში.

ვიდეომონიტორინგი მიმდინარეობს უწყვეტ რეჟიმში. ვიდეოჩანაწერების შენახვის ვადა განისაზღვრება საქართველოს მთავრობის 2019 წლის 16 სექტემბრის №455 დადგენილებით „საბაჟო საწყობისა და თავისუფალი ვაჭრობის პუნქტის საქმიანობის ნებართვების გაცემის წესებისა და პირობების შესახებ ინსტრუქციის დამტკიცების თაობაზე“, რომლის შესაბამისად თავისუფალი ვაჭრობის პუნქტის ოპერატორი ვალდებულია ვიდეოჩანაწერები შეინახოს 6 (ექვსი) თვის განმავლობაში და მოთხოვნის შემთხვევაში წარუდგინოს საბაჟო ორგანოს.

ვიდეოჩანაწერები ინახება მხოლოდ აღნიშნული ვადის განმავლობაში, რის შემდეგაც იშლება ავტომატურად, გარდა იმ შემთხვევებისა, როდესაც კონკრეტული ჩანაწერი საჭიროა ინციდენტის, სამართალდარღვევის ან სხვა გარემოების შესასწავლად, რა დროსაც შესაძლებელია მისი შენახვა შესაბამისი სამართლებრივი პროცედურის დასრულებამდე.

ვიდეოჩანაწერებზე წვდომა აქვთ მხოლოდ უფლებამოსილ პირებს. ვიდეოჩანაწერები ინახება დაცულ ელექტრონულ სისტემაში, თბილისის, ქუთაისისა და ბათუმის საერთაშორისო აეროპორტებში განთავსებულ დაცულ სერვერებზე, რომელიც უზრუნველყოფს მონაცემთა დაცვას არასანქცირებული წვდომისგან.

6 თვის ვადის გასვლის შემდეგ ვიდეოჩანაწერები ავტომატურად იშლება სისტემიდან, გარდა იმ შემთხვევებისა, როდესაც მათი შენახვა აუცილებელია ინციდენტის ან სამართლებრივი პროცესის ფარგლებში.

ვიდეოჩანაწერების გადაცემა მესამე პირებისთვის დასაშვებია მხოლოდ კანონმდებლობით გათვალისწინებულ შემთხვევებში, მათ შორის შესაბამისი სახელმწიფო ორგანოს (მათ შორის საბაჟო ორგანოს ან სამართალდამცავი ორგანოს) მოთხოვნის საფუძველზე.

### **მონაცემთა სუბიექტის უფლებების დაცვის მექანიზმი**

პირს, რომელიც შესაძლოა ფიქსირდება ვიდეოჩანაწერში, აქვს უფლება საქართველოს კანონმდებლობის შესაბამისად მოითხოვოს ინფორმაცია მისი პერსონალური მონაცემების დამუშავების შესახებ.

მონაცემთა სუბიექტს უფლება აქვს მიმართოს კომპანიას საკუთარი პერსონალური მონაცემების დამუშავებასთან დაკავშირებით მოთხოვნით. კომპანია ვალდებულია აღნიშნული მოთხოვნა განიხილოს და უზრუნველყოს შესაბამისი რეაგირება საქართველოს კანონმდებლობით დადგენილი წესისა და ვადების შესაბამისად.

ვიდეომონიტორინგის განხორციელების შესახებ ინფორმაცია ხელმისაწვდომია შესაბამისი გამაფრთხილებელი ნიშნების საშუალებით, რომლებიც განთავსებულია ვიდეოკონტროლის ყველა ზონაში.

## დანართი №3.1

### ვიდეოკამერების ჩანაწერებზე წვდომის უფლებამოსილი პირები და წვდომის ფარგლები

შპს „ATU Georgia“-ში ვიდეოკამერების ჩანაწერებზე წვდომა დასაშვებია მხოლოდ იმ პირებისთვის, რომლებიც უფლებამოსილნი არიან ვიდეომონიტორინგის სისტემის მართვასა და ინციდენტების შესწავლაში მონაწილეობის მისაღებად, შიდა აქტებისა და საქართველოს კანონმდებლობის საფუძველზე.

### ვიზუალური მონაცემებზე წვდომაზე უფლებამოსილნი არიან:

#### 1. IT დეპარტამენტი

IT დეპარტამენტის ხელმძღვანელს აქვს წვდომა ვიდეოჩანაწერებზე სრული მოცულობით, რაც აუცილებელია ვიდეომონიტორინგის სისტემის ტექნიკური მართვის, შენახვის, უსაფრთხოების უზრუნველყოფისა და ჩანაწერების ადმინისტრირებისათვის. მისი ფუნქციები მოიცავს ვიდეოკამერების ოპერირების მონიტორინგს, ტექნიკური პრობლემების აღმოფხვრას, მონაცემთა უსაფრთხოების კონტროლს და კანონმდებლობით დადგენილი ვალდებულებების შესრულებას.

#### 2. კომპანიის მენეჯმენტი

კომპანიის დირექტორს, შესაბამისი ფილიალის მენეჯერს და უსაფრთხოების სამსახურის ხელმძღვანელს (არსებობის შემთხვევაში) უფლება აქვთ წვდომაზე მხოლოდ იმ შემთხვევაში, როდესაც არსებობს კონკრეტული ინციდენტი, დარღვევა, უსაფრთხოების პრობლემა ან სხვა გარემოება, რომლის შესწავლა საჭიროებს ვიდეოჩანაწერის ნახვას. მენეჯმენტის წვდომა ხდება მხოლოდ კონკრეტული შემთხვევის შესწავლისთვის, მოცულობით, რაც აუცილებელია ინციდენტის გამოსავლენად ან სამართლებრივი რეაგირებისთვის.

### წვდომის წესები

- ვიდეოჩანაწერებზე წვდომა განხორციელდება დაცულ ელექტრონულ სისტემაში, უსაფრთხო და რეგულირებული პროცედურებით;

- წვდომის დროს ყველა უფლებამოსილი პირი ვალდებულია დაიცვას მონაცემთა კონფიდენციალურობა და გამოიყენოს ჩანაწერები მხოლოდ იმ მიზნებისთვის, რაც განსაზღვრულია დანართი №3-ში;
- ვიდეოჩანაწერის გადაცემა მესამე პირებისთვის დასაშვებია მხოლოდ საქართველოს კანონმდებლობით ან შესაბამისი სახელმწიფო ორგანოს მოთხოვნით.

ვიდეოკამერების ჩანაწერებზე წვდომის პროცესი კონტროლდება რეგისტრირებული სისტემით, რომელიც უზრუნველყოფს თითოეული წვდომის დოკუმენტირებას. მონაცემთა სუბიექტის უფლებები დაცულია საქართველოს კანონმდებლობით, რაც უზრუნველყოფს მოთხოვნის განხორციელებას ჩანაწერებზე წვდომისა და ინფორმაციის მიღების მიზნით.